



ՄԱՍԼՈ ՀԱՂՈՐԴԱԳՐՈՒԹՅՈՒՆ

15 մարտի, 2018թ.

Երևան

Ինչպե՞ս հաջողել սոցիալական ձեռնարկատիրությանը զբաղվելիս. դասընթաց Կոտայքի մարզում գործող ՔՀԿ-ների համար

Եվրամիության կողմից ֆինանսավորվող «Կառուցողական երկխոսության հանձնառություն» ծրագրի շրջանակներում մարտի 14-ին Չարենցավանում քաղհասարակության կազմակերպության ներկայացուցիչների համար դասընթաց կազմակերպվեց «Հասարակական կազմակերպությունների մասին» նոր օրենքով ամրագրված սոցիալական ձեռնարկատիրության ինստիտուտի վերաբերյալ:

Դասընթացի մասնակից Քրիստինա Էվոյանը, ով սոցիալական աշխատող է և քաղհասարակության ակտիվիստ, հասարակական կազմակերպություն հիմնելու և սոցիալական ձեռնարկատիրությամբ զբաղվելու նպատակ ունի.

«Մենք ունենք նոր գաղափար՝ տարեցների ներգրավմամբ սոցիալական ձեռնարկատիրությամբ զբաղվելու վերաբերյալ: Այժմ նոր օրենքը հնարավորություն է տալիս հասարակական կազմակերպություններին սոցիալական ձեռնարկատիրությամբ զբաղվել: Այստեղ ստացածս տեղեկությունը շատ օգտակար է լինելու հետագա գործունեությանս համար», - ասաց Քրիստինա Էվոյանը:

«Լիկիու երկիր» բարեգործական ՀԿ ներկայացուցիչ Լիանա Հարությունյանը հատկապես կարևորել է հասարակական կազմակերպությունների կողմից ձեռնարկատիրությամբ զբաղվելու դեպքում հարկման վերաբերյալ ստացած տեղեկությունները. *«Ինձ հետաքրքրող բոլոր հարցերի պատասխանները ես ստացա՝ կապված շրջանառության հարկի, ավելացված արժեքի հարկի վերաբերյալ»:*

«Կառուցողական երկխոսության հանձնառություն» ծրագրի բիզնեսի և հարակից ոլորտների համակարգող և ՓՄՁ համագործակցության ասոցիացիայի գործադիր տնօրեն Հակոբ Ավագանը ՔՀԿ ներկայացուցիչներին ներկայացրեց, թե որ դեպքերում է ձեռնարկատիրությունը համարվում սոցիալական, ինչպես է այն կազմակերպվում, ինչպես պետք է կատարվի հաշվապահական հաշվառումը և այլ կարևոր հարցեր:

Սոցիալական ձեռնարկատիրությամբ զբաղվող ՀԿ-ի դեպքում հաճախ խնդիր է լինում եկամուտների հարկվող կամ չհարկվող լինելու տարբերակելը: Հ. Ավագյանի խոսքով, հաճախ կարծում են՝ եթե կողմի հետ կնքված պայմանագրի անունը դրամաշնորհային է, ապա դրա արդյունքում ստացվող եկամուտները չեն հարկվում: Սակայն այդպես չէ: Հնարավոր է՝ ՊԵԿ-ը այն համարի հարկվող:



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն

Հեռախոս՝ +37410 54 64 94

Իրավաբանների հայկական ասոցիացիա

Հասցե՝ Նայրանդյան 7, բն. 2 Երևան, Հայաստան, 0010

Հեռախոս՝ +37410 54 01 99

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուն, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանգակությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Եվ նման խնդրից խուսափելու համար պետք է դիմել ֆինանսների նախարարություն, որտեղ ժամանակավորապես հանձնաժողով է ստեղծվում և քննում է տվյալ եկամուտների հարկվող կամ չհարկվող լինելը:

Դասընթացից հետո Ավագյանը պատասխանեց ներկաների հարցերին և հայտնեց, որ ծրագրի շրջանակներում ՔՀԿ-ներին տրամադրվում է անվճար փորձագիտական խորհրդատվություն և աջակցություն:

Եթե Դուք նույնպես քաղակտիվիստ եք և ցանկություն ունեք՝ իրավաբանական աջակցություն ստանալու, ապա դիմեք մեզ info@armla.am հասցեով՝ առաջիկա դասընթացին գրանցվելու և իրավաբանական խորհրդատվություն ստանալու համար:

«Կառուցողական երկխոսության հանձնառություն» ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ագորա Սենթրլ Յուրոփ» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ համագործակցության ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Սա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղաքացիական փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունն իրագրել է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Աստղիկ Կարապետյան
Հանրային կապերի համակարգող

Հեռ.՝ 540199
Էլ. հասցե՝ info@armla.am
Կայք՝ <http://www.armla.am>, <http://ccd.armla.am>



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն

Հեռախոս՝ +37410 54 64 94

Իրավաբանների հայկական ասոցիացիա

Հասցե՝ Նայրանդյան 7, բն. 2 Երևան, Հայաստան, 0010

Հեռախոս՝ +37410 54 01 99

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուն, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: